

"МО? КУШТО? КУНАМ?"

Марий тиште кечылан пӧлеклалтше тыгай модыш Морко рӱдӧ книгагудышто моткоч веселан эртыш. Тушто марий йылмым да сылнымутым йӧратыше-влак шке ушакылыштым тергышт. Тиде - М.Н.Янтемир лӱмеш литератур да этнографий тоштерын, туныктымо пӧлкан пашаенышт, суапле пашаш шке кумылын ушнышо-влакын толкыныштым вияндыме рӱдер гыч йоча-влак, «Морко памаш» клубын участникше-влак. Модыш ныл тур гыч шоген. Кажне турышто шым йодышлан чын вашмутым пуыман ыле. Йодыш-влак марий тиштын историйжым, пайрем йӱлам, мыскарам, марий йылме да литератур аланым авалтеныт. Ныл енан «Кокымшо» команде икымше тур гычак шке ушакылже дене ойыртегалте. Каласыман, кум команде коклаште нуно шке чапыштым



ышт волто. «Кокымшо» команде 58 баллым поген да икымше верым сенен налын. Кокымшо верым «Кумшо» команде налын (56 балл), кумшым – «Икымше» команде (55 балл).

Модмо коклаште Людмила Александрова шке муржо-влак дене участник-влакын кумылыштым нӧлтале. Тыгак книгагудын пашаенже-влак сценкым моткоч онайын модын ончыктышт. Модшо-влаклан шарнымашан пӧлекым кучыктымо.

Шочмо элым, йылмым, калыкым йӧратыше, пашаче кумылан айдеме кеч-кунамат сенгышыш лектеш. Тек тиде вашлиймаш йӧратыме, мотор марий кундемлан пӧлек семын лиеш.

Алена ПЕТУХОВА,
Морко рӱдӧ книгагудын библиотекарьже